

Sammisag 8 aningaasanut inatsit pillugu isumaqatigiissut

12.01.01 Kalaallit Nunaata Københavnimi Sinniisoqarfia, Ingerlatsineq (Ingerlatsinermut aningaasaliissutit)

Missingersuutit immikkoortiterneri

	AS 2026	M 2027	M 2028	M 2029
	-- 1.000 kr. --		---- mio. kr. ----	
Ilanngaaseereerluni aningaasartuutit	-2.000	-2,0	-2,0	-2,0
Akissarsianut aningaasartuutit				
Aningaasartuutit allat	-2.000	-2,0	-2,0	-2,0

2026-mut Aningaasanut Inatsit pillugu isumaqatigiissutip ilaatut konto pingaarneq manna ukiuni tamani 2.000.000 kr.-nik ilanngarneqarpoq.

Konto pingaarneq 12.01.01 Kalaallit Nunaata Københavnimi aallartitaqarfia, ingerlatsineq ilanngarneqassaaq, aallartitaqarfimmi sulisut piffissap ingerlanerani ikiliartornissaat siunertaralugu, nunani allani aallartitaqarfiit annerusut allat angeqqatiginerulerniassammagit.

Tamatuma kingunerisaanittaaq sulisukinnerulernikkut najugaqarnermut akiliut minnerulersinneqarsinnaavoq.

Tullinnguuttumi allassimasut missingersuutitut ilanngussamut ilannguteqquneqarput:

”Aningaasanut Inatsisip pingajussaaneerreqarnerani Aningaasanut Inatsimmut isumaqatigiissut naapertorlugu matumani konto pingaarneq 2.000.000 kr.-nik ukiuni tamani ilanngarneqassaaq, aallartitaqarfimmi sulisut piffissap ingerlanerani ikiliartornissaat siunertaralugu, nunani allani aallartitaqarfiit annerusut allat angeqqatiginerulerniassammagit.”

20.11.70 Suliniutinut nutaanut sillimmatit (Ingerlatsinermut aningaasaliissutit)

Missingersuutit immikkoortiterneri

	AS 2026	M 2027	M 2028	M 2029
	-- 1.000 kr. --		---- mio. kr. ----	
Ilanngaaseereerluni aningaasartuutit	6.350	3,4	3,4	2,4

2026-mut Aningaasanut Inatsimmut isumaqatigiissut naapertorlugu konto pingaarneq manna 2026-mi 6.350.000 kr.-nik ilaneqarpoq, ukiuni 2027-2028-ni 3.350.000 kr.-nik ilaneqarput kiisalu 2029-mi 2.350.000 kr.-nik ilaneqarpoq.

Tullinnguuttumi allassimasut missingersuutinut ilanngussamut ilannguteqquneqarput:

Suliniutit nutaat aningaasaliiffigineqarnissaannut aningaasat kontomi pingaarnermi matumani immikkoortinneqarput.

Imminut pilersorneq nunallu immikkoortuini inuussutissarsiornikkut ineriartorneq pingaartillugit inuussutissarsiornermut suliniutit

Naalakkersuisut partiillu isumaqatigiissuteqartut Kalaallit Nunaani imminut pilersornerulernissamut periusissiaq 2025-2030 aallaavigalugu imminut pilersornerulernissamut suliniutit nangeqqinnissaat pingaartippaat. Sulineq suliniutitigut nuna tamakkerlugu tunisassiortunut innuttaasunullu iluaqutaasuusaaq.

Takornariaqarneq pillugu inatsisip malinneqarneratigut nakkutilliineruneq

Partiit isumaqatigiissuteqartut kissaatigaat akiliisitsilluni piniariartitsinermi, aalisarnermi takornariaqarnermilu nakkutilliisoqarnerulissasoq. KANUAPNA-mi piniarfinnik nakkutilliisut kommunit akisussaaffeqarfigisaanni masarsoqarfinni eqqissisimatitani tingerlaatilinnillu nakkutilliisareerput.

Nakkutilliinissamut suliassat annertusineqassappata inatsisitigut aningaasalersuinikkullu allannguisoqartariaqarpoq.

Taamaattumik Naalakkersuisuni ilaasortat attuumassuteqartut suleqatigalugit pilersaarusiornissamut kontomi pingaarnermi matumani, 20.11.70-imi, 2026-mi aningaasanik immikkoortitsisoqarpoq AIS2027-mut ilanngunneqarnissaat siunertaralugu.

Pisortat aaqqissuussaannerat kommuninillu suleqateqarneq

Naalakkersuisut kommunillu pisortani aningaasaqarnikkut tatisimaneqaqisuni piujuartitsinissamik qulakkeerinninnissamut suliassaqarput ataatsimoorussassaminnik.

Ilusilersuinissamut ataatsimiititaliaq pilersinneqarpoq kommunit ataqatigiissagaaneriisa aaqqissuuteqqinnissaannut misissueqqissaarnissaq innersuussuteqarnissarlu siunertaralugit.

Ataatsimiititaliap paasissutissiissutigisassaasa akornanniipput kommunit suliassat qitiusut, nakkutilliinissamut aaqqissuussat aningaasaqarnikkullu sinaakkutit.

Isumaliutissiissut 2026-p naanerani piariissangatinneqarpoq kommunillu akornanni

ilusilersugaanikkut allannguutit nalimmassaanerillu pillugit politikikkut oqallinnissamut tunngavissiissalluni.

Tasiilami nukissiuteqarnikkut pisariaqartitanik aaqqiineq erngullu nukinganik nukissiorneq pillugu suliniuteqarneq

Tasiilami erngup nukinganik nukissiorfiup allineqarnissaa uninngatinneqarallarpoq, neqeroortitsineri akit ilimagisamit qaffasinnerujussuummata.

Nukissiorfiup pioreersup allinissaanut pilersaarusiornissamut 1 mio. kr.-t ilanngunneqarput, siunissamut pisariaqartitat naammassineqarsinnaaniassammata pilersuinerlu patajaallisarneqarniassammata.

Naalakkersuisut malinnaaqqissaassangatinneqarput kommunillu suleqatigalugit 2026 qiteqqutsinnagu iliuusissamik tamakkiisumik pilersaarusiussangatinneqarlutik, AIS2027-mut ilanngunneqarnissaat siunertaralugu.

Upernavimmi imermik pilersuinerup pitsaanerulernissaanik qulakkeerineq

Upernavimmi imermik pilersuineq naammanngilaq ajornartoornermilu tarajuaat pisariaqartillugu.

Siunissamut ungasissumut pitsaanagerusumillu imermik pilersuinissamut pilersaarusiornissamut aningaasanik pingaarnersiuisoqassasoq, innuttaasut tunisassiorusuttullu pitsaanagerusunik atugassaqtinnissaanik qulakkeerinnessinnaasumik.

RO-anlægimik ilassuteqarnikkut peqatigisaanillu aqqutit pingaarnertit nutarternerisigut aaqqinneqassangatinneqarpoq.

Inuusuttut sullinniakkat

Partiit aningaasanut inatsit pillugu isumaqatigiissuteqartut inuusuttut ilinnialipallattarnissaannut suliniutit nanginneqarnissaat kissaatigaat. Konto pingarneq 20.11.70 *Suliniutinut nutaanut sillimmatit* aqqutigalugu Knud Rasmussen Højskolemi atuffarissaanissamut ukiumut 350.000 kr.-t immikkoortinneqartarput.

Naalakkersuisut aningaasat atugassanngortinneqarnerannut atatillugu inuusuttunut sullinniakkanut suliniutit tamarmiusut qanoq ingerlanersut paasiniaarlugit qulaajaassangatinneqarput.

Sinerissap qanittuani aalisarnerup ineriartortinnissaanut aningaasaliissutit amerlineri

Siunissaq ungasinnerusoq isigalugu sinerissap qanittuani aalisarnerup sinaakkutitut atugassarititat aningaasalersueriaatsillu ilanngullugit ineriartortinnissaannut 2026-mut 1 mio. kr.-nik aningaasaliisoqarpoq. Aalisarnermut Siunnersuisoqatigiit pilersitaatut suleqatigiissitap inassuteqaatissai utaqqimaarlugit aningaasat illikartinneqarput.

Mittarfinnik qulimiguullillu mittarfiinik ineriartortitsinerit

Mittarfiliortiternissat, qulimiguulinnut mittarfiliortiternissat Qaarsunilu talittarfissap nangillugit pilersaarusiorfigineqarnissaannut 2026-mi 1 mio. kr.-nik aningaasaliisoqarpoq. Suliniutit

anigaasatigut sinaakkutissiissutaareersut atorlugit nanginneqassapput mittarfiliortiterlunilu qulimiguullinnut mittarfiliortiternissanut pilersaarutitut nutartikkanut ilanngunneqareerlutik.

Namminersortut misiligutitut suliniutaannut tapersiisarnerit

Namminersortut misiligutitut suliniutaat tapersersornartut, soorlu Timi Atortigutut ittut 2026-mut aningaasanut inatsimmi aningaasaliiffigineqarput. Meeqqat inuusuttullu pingaarnerutillugit aaqqissuusat pilersinneqareersimasut saniatigut timersornerulernissamik timimillu aalatitsinerulernissamik siunertaqartut amerlanerusut ingerlanneqartalernissaat siunertaavoq.

Suliassat kisitsisissaattut naatsorsuutigisat				
Suliniutit nutaat (mio.kr.- ninngorlugit)	AS 2026	M 2027	M 2028	M 2029
Imminut pilersornissamut anigaasaliissutit	1.000	1,0	1,0	1,0
Piniarfinnik nakkutilliisut takornarianut nakkutilliitillugit	500	0,0	0,0	0,0
Kommunik nakkutilliinerup annertusinissaa, borgmesterip suliassaminnik suliarinninnera pingaartillugu	0	1,0	1,0	1,0
Tasiilami nukissiuutit pillugit suliniutip attatiinnarnissaa	1.000	0,0	0,0	0,0
Upernavimmi imermik pilersuinerup pitsanngorsarnissaa (pilersaarusiorneq)	500	0,0	0,0	0,0
Knud Rasmussen Højskolemi atuffarissanissamut anigaasat immikkoortitat	350	0,4	0,4	0,4
Sinerissap qanittuani aalisarnerup ineriartortinnissaanut anigaasaliissutit amerlineri	1.000	0,0	0,0	0,0
Mittarfinnik qulimiguullillu mittarfinnik ineriartortitsinerit	1.000	0,0	0,0	0,0
Namminersortut misiligutitut suliniutaannut tapersiisarnerit	1.000	1,0	1,0	0,0
Katillugit	6.350	3,4	3,4	2,4

“

**30.01.03 Isumaginninneq pillugu pikkorissartitsisarnerit ilinniartitseqqittarnerillu
(Ingerlatsinermut aningaasaliissutit)**

Missingersuutit immikkoortiterneri

	AS 2026	M 2027	M 2028	M 2029
	-- 1.000 kr. --		---- mio. kr. ----	
Ilanngaaseereerluni anigaasartuutit	1.000	1,0	1,0	1,0

Tullinnguuttumi allassimasut missingersuutitut ilanngussamut ilannguteqquneqarput:

"2026-mut Aningaasanut Inatsimmut isumaqatigiissutit ilaattut kontomi pingaarnermi uani aningaasaliissutit ukiumut 1.000.000 kr.-nik amerlineqarput. Kommunini inunnik isumaginninnermik suliallit nangillutik pikkorissarlutillu ilinniaqqinnissaanut aningaasassaqaarnissaq qaffaanikkut qulakkeerneqarpoq."

31.07.05 Majoriaq (Tapiissutitut aningaasaliissutit)

Missingersuutit immikkoortiterneri

	AS 2026	M 2027	M 2028	M 2029
	-- 1.000 kr. --		---- mio. kr. ----	
Ilanngaaseereerluni anigaasartuutit	0	-2,0	-2,0	-2,0

Tullinnguuttumi allassimasut missingersuutitut ilanngussamut ilannguteqquneqarput:

"2026-mut Aningaasanut inatsit pillugu isumaqatigiissutit ilaatut konto pingaarnermi uani aningaasaliissutit ukiuni missingersuusiorfiusuni tamani 2.000.000 kr.-nik ilanngarneqarput. Ilanngaaneq siusinnerusukkat ileqqaarsimanermik suliffissarsiortullu ikiliartorneranik aallaaveqarpoq. Suliffissaqartitsiniarnermut periusissiasaq Majoriap siunissami suliaasaanik AIS 2027-illu tungaanut aningaasatigut atugassarititassanik ersersitsisussaq illuatungeriinnit utaqqimaarneqarpoq."

40.95.01 Eqqumiitsuliornermut kulturimut tapiissutit allat (Tapiissutitut aningaasaliissutit)

Missingersuutit immikkoortiterneri

	AS 2026	M 2027	M 2028	M 2029
	-- 1.000 kr. --		---- mio. kr. ----	
Ilanngaaseereerluni isertitat	224	0,2	0,2	0,2

2026-mut Aningaasanut inatsit pillugu isumaqatigiissutip ilaatut konto pingaarneq manna ukiuni tamani 224.000 kr.-nik ilaneqarpoq.

Tullinnguuttumi allassimasut missingersuutitut ilanngussamut ilannguteqquneqarput:

”2026-mut Aningaasanut inatsit pillugu isumaqatigiissutip pingajussaaneerqarnerata kingorna konto pingaarneq manna 2025-mut Aningaasanut inatsit pillugu isumaqatigiissummi GIF-imut aningaasaliissutit annertussusiliinerup kingorna kiisalu suliniut Timi Atortigu-mut aningaasaliinerit nutaat peqqutaallutik ukiuni tamani 224.000 kr.-nik ilaneqarpoq.”

Suliassat kisitsisissaattut naatsorsuutigisat	AS 2026	M 2027	M 2028	M 2029
	---- 1.000 kr. ----		---- mio. kr. ----	
Kulturi pillugu atuagassianut, E.P.I.-mut, Ataatsimut peqatigiiffimmut Inuit-mut kulturilu pillugu suliniutinut allanut tapiissutigineqartut Kalaallit Nunaani Eqqumiitsulianut katersugaasivissamut ingerlatsinermut tapiissutit Eqqumiitsuliortunut timersornermik aaqqissuussanut angalanermut aningaasartuutinut tapiissutit	224	0,2	0,2	0,2
Qimussimik sukkaniunneq Kalaallit Nunaanni Eqqumiitsuliornermut aningaasaateqarfik E-Sport Ataqinninniutitut tunniuttakkat Katillugit	224	0,2	0,2	0,2

**67.04.01 Atuisartunut Unammilleqatigiinnermullu Aqutsisoqarfik, allaffissorneq
(Ingerlatsinermut aningaasaliissutit)**

Missingersuutit immikkoortiterneri

	AS 2026	M 2027	M 2028	M 2029
	-- 1.000 kr. --		---- mio. kr. ----	
Ilanngaaseereerluni aningaasartuutit	500	0,5	0,0	0,0

2026-mut Aningaasanut inatsit pillugu isumaqatigiissutip ilaatut konto pingaarneq manna ukiuni 2026-mi 2027-milu 500.000 kr.-nik ilaneqarpoq.

Tullinnguuttumi allassimasut missingersuutitut ilanngussamut ilannguteqquneqarput:

”2026-mut Aningaasanut inatsit pillugu isumaqatigiissutip pingajussaaneerqarnerata kingorna konto pingaarneq manna 2026-mi 2027-milu, atuisunut akigititat qaffakkiartornerisa kingunerisaanik innuttaasullu pisortanit pisartagaqartut pisiumassusaanik qaffassaanissamut suliniuteqartoqartariaqarneq peqqutaalluni 500.000 kr.-nik ilaneqarpoq.

Atuisartoqarnermut Unammilleqatigiinnermullu Aqutsisoqarfiup ataani pisiniarfiit iluanaarutaat pillugit misissuisoqarnissaanut kiisalu tulluarsaasoqarnissaanik pisisartullu piumassusaasa ineriartornerani erseqqarissanissaq anguniarlugu suliniuteqarnissamut aningaasanik immikkoortitsisoqassaaq.”